

## **We ferräise** *(Elen Hanne Andresen, Elise Heitmann, Ipke Lorenzen, Marie Vriesema)*

Nü floitet e such, e dâmp schüt rüt,  
huum wal ma, kam ünferknüt.  
Suchfäärer: Koordeknipser, slou e dööre tu.  
Rum piidebum, rum piidebum...  
Bjarne: Nü kääre we üt Risem rüt,  
forbai et schölj än Küde Klüt.  
Huum woitet deer, joo, dât as åål!  
Mååget nint, we kääre önj e wråål.  
Dadagum, dadagum...

Huura, we süse döör e kuuge.  
Lök, hü da böre aw e fälje uuge.  
Nü fääre we ouer e Rökejarn,  
påås aw, aw e schaninge stoont en bjarn.  
Dadagum, dadagum...

Moosebl as nü glik önj sacht.  
Deer stoont Bruno san hün, jáåg ham gau wach!  
Aw e boon mååget Paulsen stram honöör:  
Forbai, forbai, kiik, dât wus Ängwer sin döör.  
Dadagum, dadagum...

Nü hüselt di such döör e Kloisiiekuuch.  
Deer stoont en bule, ouers we san ai fuuch.  
Bai Bloksbärj kaame we ap aw e dik.  
Hee, Nikloi wal ma, we hüülje uk glik.  
Dadagum, dadagum...

Schuchst dü e schörkewärw ma e stumpe torn,  
än heefföogle önjt lönj, da warsle storm.  
Kiik, wiilie krüle, et san wälj duusend,  
Hüülj, hüülj, we san deer, önj Doogebel-huuwen.  
Rum piidebum, rum piidebum...  
Suchfäärer: Åle bjarne ütsteege!!!

(In: Andresen, Elen Hanne et al. 1966. *Frasch Leesebök 1*. Bräist (Bredstedt) (u. a.): Nordfriisk Instituut (u. a.). S. 74-75.)